

明・商 澤輯
關東學堂藏書

稗

海

〔四〕

大化書局

第四冊目錄

隨隱漫錄	宋陳隨隱撰	二五三
楓牕小牘	宋無名氏撰	二五六
耕祿稿	宋胡錡撰	二五八
厚德錄	宋李元綱撰	二五九
西溪叢話	宋姚寬撰	二六三
野客叢書	宋王楙撰	二六八
盤雪叢說	宋俞元德撰	二九二
孫公談圃	宋孫升撰	二九四
許彥周詩話	宋許顗撰	二九六
後山詩話	宋陳無已撰	二九七
齊東野語	宋周密撰	二九八
癸辛雜識前集	宋周密撰	三〇八
癸辛雜識後集	宋周密撰	三一〇
癸辛雜識續集	宋周密撰	三一三
癸辛雜識別集	宋周密撰	三二五
山房隨筆	元蔣正子撰	三三一

隨隱漫錄卷之一

宋臨川陳隨隱

令製春秋贊云微顯闡幽三體五例嚴乎成言褒貶一字周禮云肇建六典條章煥明萬世之則太平之基日新云大哉盤銘日新其德一盥一思惟湯是則自警云孳孳爲善無怠講習心思唐虞聖道可入又曰私旣克理是從中則三公則平操則存德日新鑑銘云湛然厥中惟正是守萬醜千妍於我何有離卦贊云日月麗天德備中正明以繼明

隨隱漫錄

卷一

十一

聖而益聖良云兼山曰良德在知止君子體之思不出位晚望云鷗鷺歸烟渚秋江挾晚晴老漁閑艤艇坐待月華生賞春云珠簾翠幙千門曉麗日和風萬國春乍雨乍晴雖莫測無非天地發生仁社日雨云風催社日雨霏霏處處雞豚祭祀神見說曲羊於此卜不妨墊濕社翁巾新涼云新涼燈火又相親遍閱羣書不厭勤緩視微吟真樂處那知宮漏夜將分授衣云從來人事順天時九月纔更即授衣可笑索我臨歲晚履霜猶自未知幾桂

隨隱漫錄

卷一

十一

云秋桂庭前露影涼萬重深翠護深黃恭迎兩殿臨清賞壽寧濃浮月殿香恭和御製賜牟子才韻云視草詞臣地位高玉堂深夜許焚膏文華瑞世呈儀鳳顧問承恩直禁籬喜有奇才追宋軾光膺聖製勝唐綯重修盛典熙朝事千古青編記寵褒題諸色扇面云履霜知地凍賞雪念民寒山嵐迷曉月海浪起晴雪鷺起蓮邊曉鷗棲寥外涼西風吹翠蓋曉露浥紅裳艷紅酣霽圃冷翠媚秋池聲幽梧葉雨香冷菊花風院子供新茗園丁獻異花

樓華照水澄秋靜冷艷欺風醉露涼一枝翠葉凝秋色萬粟金英噴古香月篩樓影虛念靜秋染繁英淨几香千葉喜容迎曉日萬鈴黃色映朝霞日麗柳塘鴛語滑雨收桃岸燕飛忙瞻景堂帖子云歸仁由克已學道在存心堯舜傳心惟以一禹湯受命本乎中凝華殿云帝德巍巍溫恭允塞心傳精微惟堯是則觀瞻景凝華數帖子必有如文中子窺高祖之心於大風歌者故敬錄之

景宸殿上壽三十三拜三舞蹈初而西立閣門進班

齊牌上升鹿鳴歌侍衛起是移班北面躬身聽贊
兩拜起直身擗笏三舞踏舞鹿騰三叩出多就
一拜又兩拜躬身跪班首奏聖躬萬福再聽贊
兩拜移班如初殿中監升殿請酒尊所教坊起居
殿侍進御茶床又北面躬身聽贊拜兩拜直身立
上公升殿注酒請御座前躬進俯伏致詞並躬身
跪上公降階復位聽贊拜兩拜起躬身跪樞密宣
答聽贊拜兩拜移班如初上公升殿立御座東樂
作上飲畢上公受盞降階復位北面躬身聽贊拜
兩拜舞蹈如初不該赴座官先退赴座官躬身聽
樞密請折檻東宣答訖聽贊拜兩拜升階立席後
跪進酒樂作上飲畢舍人贊各賜酒躬身聽贊拜
兩拜起贊各就坐立如故復贊乃坐酒行先上公
次百官擗笏執盞立席後躬身飲訖聽贊拜兩拜
復坐食至擗笏執碟出笏再進酒如上禮三行舍
人曰可起立席後跪上公御座前俯伏跪奏復位
降階北面聽贊拜兩拜舞蹈如初鳴鞭捲班凡正
旦朝賀二十九日三舞蹈初面西立上升座閣門

起居班首以下躬身北面跪舍人宣名訖聽贊拜
兩拜舞蹈如初禮躬身跪班首奏聖躬萬福聽贊
拜兩拜起直身立候樞密升殿班首出班俯伏致
詞並躬身跪班首復俯聽贊拜兩拜舞蹈如初起
躬身跪樞密承台請折檻東稱有制兩拜起躬身
跪樞密宣答訖聽贊拜兩拜舞蹈如初凡冬至朝
賀一十二拜一舞蹈初百官面西立儀仗以下起
居知問次之次頌奏自舍人宣班首以下起居稱
賀北面躬身聽贊拜兩拜起舞蹈如初起躬身跪
班首奏聖躬萬福聽贊拜兩拜起直身立候樞密
升殿班首致詞宣答如正旦禮凡朔望起居九拜
一舞蹈初讀奏目知閣御帶行門以下當起居殿
中侍御史大起居七拜百官躬身聽舍人宣班首
名北面聽贊拜兩拜舞蹈如初不候贊兩拜班首
不離位奏聖躬萬福躬身聽贊拜兩拜起躬身聽
贊各祗候捲班凡上殿倫對初面西立舍人引北
面躬身聽贊拜聲絕兩拜起躬身聽贊祗候直身
立引稍前兩步再躬身聽贊拜兩拜起躬身聽贊

祇候面西立。三省奏事退，引升殿立。東南角舍人前奏銜位姓名。上殿因依，引赴御座左側身立。稍旁當殿未出笏，又手及橫執劄子爲失儀。如有宣諭印口奏云：「臣官不該殿上拜。」容臣奏事畢下殿謝恩。奏事畢，依舊路下殿北面，不候贊兩拜。隨班凡謝恩，初面西立，舍人奏姓名，引北面贊兩拜。兩拜出殿，致詞歸位。贊兩拜舞蹈聽贊，祇候退。凡朝辭面西立，舍人奏姓名，引北面贊兩拜，不出班奏聖躬萬福。又贊兩拜出班，致詞復位，又贊兩拜贊好去。如有賜物，宜有勅，卽指筭舞蹈三拜。凡賜茶，引北面躬身奏聖躬萬福。贊兩拜，贊就坐。升殿立席後，再贊乃坐。茶至，指筭出筭降階。贊兩拜贊祇候退。

天子沒歷秦漢晉宋齊梁陳隋至明皇始封文宣王神宗欲加尊崇禮臣定議爲至神元聖帝而李邦直者獨曰：「周室稱王，陪臣不當爲帝。於是僅加玄聖二字，異代尊崇，何預於周果如所言，則公亦不可封矣。雖萬代帝王之師，何假虛名而邦直之罪。」

所當筆誅，又執筆以俟。

天子之徒三千一貫之道，獨語曾子而曾子一唯。幾到列聖處，大學十章爲後世帝王治天下之律令，格例繁矩，卽忠恕也。中庸一書，彌綸天地參贊化育孔子之道，益著而曾思位在弟子下，度皇卽位，一首先脩食舉數千載未行之典，爲億萬世將來之法度皇之聖至矣。

西山蔡先生劄子曰：「今之一字壞人終身。凡念慮言語，纔有夸心，卽截斷却滿招損謙受益時，乃天道曰：『作事皆依本分。』」屈已饒人，終無悔吝。錢穀與人交關，頭頭讓人，步少生事。一切用柔道理之，若識步道理，不做好人。天地鬼神亦深惡之，蓋不識好惡如童稚。如醉人雖有罪，可赦若知而故犯，王法不可免也。曰：「孝弟忠信不可須臾離，若有分毫瞞人底心，天地鬼神不恕也。」曰：「禍患中第一莫使性氣，中外事一切靜柔順理之，曰爲善得禮，乃是爲善。未熟爲惡，得福乃是爲惡。未深人事，盡處方是天理。曰：『欺世盜名者，無後。』吾甚慎之。」

延平李先生靜坐正心以驗夫喜怒哀樂未發之前
氣象爲何如久之而知天下之大本真自在乎是
也若夫致虛極守靜篤不思善不思惡老佛亦同
此理但有治世出世體用之不同耳

豹死留皮人死留名朝事梁幕幕事晉趙下兎園冊子
耳此輩與一把箕子未知顛倒何益於君國可謂
傀儡兒矣煮粥飯僧者都頭甚操剝六一公化俗
語爲神奇者也

蕭蕭馬鳴靜中有動也悠悠旆旌動中有靜也見軍
陣陳述錄

卷十

七

整而靜也昔我往矣楊柳依依今我來思雨雪霏
霏寫物態慰人情也張文潛謂雞聲茅店月人跡
板橋霜羈旅窮愁想之在目柳塘春水漫花塢夕
陽遲春物融冶人心和暢言不能盡張無垢謂雪
消池館初春後人倚闌干欲暮時盡山之情意物
之容態可入圖畫皆彷彿三百篇之遺意歟

杜少陵贈衛八處士一篇又別條逢曲盡人情想而
味之宛然在目下此則馬上相逢久人中欲認難
聞姓驚初見稱名憶舊客乍見翻疑夢相悲各問

年無愧前作若戴叔倫之歲月不可問山川何處
來青出於藍者也

唐人詩工於下生字走月逆行雲芙蓉抱香死笠卸
晚峰陰山雨慢琴松涼夏健人綠竹助秋聲歲
月換紅顏石磴掃春雪畫角赴邊愁遠帆開浦烟
疎雨滴梧桐字字穩帖不覺

上謚百三十一神聖賢文武成康獻懿元章釐景宣
明昭正敬恭莊肅穆戴翼襄烈桓威勇毅克壯圖
魏安定簡貞節白匡質靖真肅思考高顯和玄高
隱隱漫錄

卷一

八

光大英睿博憲堅孝忠惠德仁智慎禮義周敏信
達寬理凱清直欽益良度類基慈齊深溫讓密厚
純勤謙友祈廣淑儉靈靈厲比絜舒貴逸退訥悃
速懋宜哲察通儀經庇協端休悅綽容確恒熙洽
紹世果用之君親焉用之臣子焉中謚十四懷悼
愍哀隱幽冲夷懼恩摛鄙愿傲用之閔傷焉用之
無後者焉下謚六十五野夸謀伐荒煬戾刺虛蕩
墨億亢干徧專輕計介暴虐悞悖凶慢忍毒惡殘
異攘頑昏驕酗酒洩狂侈靡溺僞妄譎諂誣詐譴

訥訥奸邪應蠱危圮懦撓覆敗數庶蒙費用之禮
夷馬川之小人焉

又宋傳昭子婦嘗得家餉牛肉以進昭曰食之則
犯法告之則不可取而埋之宰牛之禁自梁已然
或謂牢字從牛或謂牛土畜也與土宿同位真武
爲北水神亦與上同位故不可食禍福恐人豈理
也哉吳惠齊華帥江東時戒宰牛詩曰中和後五
日神香謁南亭田夫趁雨耕歡聲沸如雷老守祝
爾農服田亦勞哉有牛負犁者俄頃一週迴無牛

法苑珠林

卷一

九

人代耕四夫盡力推四夫力雖疲不如一牛犁一
牛當四夫功力大如斯農以牛爲命愛牛如愛兒
愛兒惟恐傷殺牛何忍爲老守今奉勸戒之重戒
之幸牛國有禁殺牛天所災留取黑牡丹年年待
花開盧柳南却人送牛肉小簡云昔人亦珍此味
所謂如享大半是也然一犁春雨數町秋雲旣食
其力又食其肉可乎余不忍敢請改命理語讀之
惻然

西山真先生點光君集中警句如閨戶夜通月掬泉

陸隱漫錄

卷一

十

朝飲星燦曝花曦日晴眠薛石烟地曠日難睨海
寬天欲浮與子纔分手何人更賞心遊歸雲衲破
定起石床溫道至無偏黨心何有重輕萬事豈容
人有意一春多被雨無情舉頭莫看王侯面失脚
恐爲名利人千古留芳惟好句一時得意總微塵
石湖歸途云人與西風結約來芙蓉花氣撲吟盃
曲塘好處都行遍帶得一身秋色回城東看柳云
翻疑爲寒一信風畫橋南北岸西東春歸楊柳無
私意深淺青黃自不同上林歸鴉云夕陽鴉背歛

殘紅萬點飛歸傍帝宮是上林棲宿穩可曾驚
散月明中友人官滿云三年官滿水霜深一日春
回宇宙寬曾向屢前種楊柳綠陰留與後人看東
園書所見云娉婷遊女步東園曲徑相逢一少年
不肯比肩花下過含羞却立海棠邊苦吟云水驛
荒寒天正霜夜深吟苦未成章閉門不管庭前月
分付梅花自主張蘇堤曉望云荷邊清露襲人衣
風裏明蟾浴曉池涼影潤香吟不得手攀堤柳立
多時安身恨不事英雄果是英雄安有淚初陽烘

霄途繁陰布幽林山會互朝祈爲我流好音傾耳
須臾間已快清冷心飛蓋何爲者傲睨松之陰翻
然移他枝餘弄不可尋跋曰學充而意廣氣大而
體不偏用力於先聖之書漫塘劉先生曰觀其文
詞瞻育遠爲詩深於運思使人嘉歎不足習庵陳
先生曰僕壯騷而奴班馬止堂黃先生曰騷選唐
宋罔不究心紫巖潘先生曰出入於江西晚唐之
間而不墮於刻與率者也惜端平以後所作諸老
不得見之吁

隨隱漫錄

卷十

十一

有貨炒栗人坐亡無準秉炬云平生碎碎剝剝做盡
萬千手脚今朝撒手便行這回炒得離殼隨隱拈
云未敢相許

辛巳八月巳丑先君方外友清溪沅禪師坐亡遺偈
云六十七年無法可說一片雲收澄潭皎月隨隱
拈云年本無期法亦何說末後倒賊虛空著楔喚
若遇波騰嶽立時且道月在什麼處

隨隱漫錄卷之一

隨隱漫錄卷之二

宋臨川陳隨隱

晉侯受玉隋內史過知其不能長世趙同獻狄俘于
周不敬劉康公知其必有大咎晉侯見魯宣公不
敬季文子知其不免卻錡來乞師將事不敬孟獻
子知其不亡何爲成子受賑于社不敬劉康公知
其不反齊高厚不敬士莊子知其不免齊侯衛侯
不敬叔向知二君之必不免蔡侯不敬于產知其
將死伯有不敬穆叔知其必有大咎不敬取禍如
響斯答嗚呼毋不敬其堯舜禹湯文武周孔傳心
之要法歟

隨隱漫錄

卷二

十一

王莽女爲平帝后帝崩莽不能強之下嫁漢兵燒未
央宮后曰何面目見漢家赴火自死非特莽愧其
女劉歆孔光之徒亦愧矣羊琇女惠風爲愍懷太
子妃劉曜陷洛陽以賜其將喬厲伏劍大罵而死
王夷甫諸人不愧乎劉禪降魏見蜀伎不悲有此
間樂不思蜀之語孔明之子瞻孫尚戰死張飛之
孫遵趙雲次子廣亦戰死北平王譙哭于昭烈廟

先殺妻子乃自殺魏以蜀官人賜將士李昭儀不辱自殺禪不特愧于將士亦且愧于婦人矣

晉靈公不君患宣子驪諫使鉏麇賊之麇曰賊民之主不忠棄君之命不信觸槐而死宋高祖使張偉醜舊君偉曰醜君以求生不如死乃于道自飲而卒子曰有殺身以成仁無求生以害仁此之謂也東山之詩雨雪寒燠僕馬衣裳室家婚姻出於聖人之忠厚惻怛故能感人也楚子伐蕭師人多寒附而勉之皆如挾纊遂傳於蕭明日蕭潰亦窺見此

陳隱漫錄

卷二

十一

意曹操云行行日已遠人馬同時饑托其羣臣又愧其子愧其妾異哉

衛青少爲平陽公主馬前奴後貴顯公主擇配無踰青者卒歸之北齊後宮一裙之費至直萬疋周滅其國后妃以賣燭爲業南唐劉承勳窮奢極侈蓄妓樂數千一妓價數十萬教以藝又數十萬服飾稱之歸京乞食凍餒死軍卒楊杲宗爲丁晉公築第于熙海上朝廷以第賜杲宗劉美善鍛金後貴顯賜上方繩視刻工名多美所造嗚呼世事瀛覆

往住如此惟德行文章照耀今古彼富貴者猶蠅蚋醢鷄豈止空言徒苦民可

閭樂引兵入望夷宮二世願得一郡爲王弗許願得爲萬戶侯弗許願與妻子爲黔首又弗許麾其兵進二世自殺懷帝爲劉聰青衣行酒聰帝執戟前導行酒執蓋俱不免遇害煬帝先殺其子索鳩不許自解練巾授令狐行達縊殺之全忠殺昭宗方醉卧遽起單衣遶柱走追而弑之晉王北遷自採木實草莽食之馮后陰令左右求毒藥欲與晉王俱自殺不果嗚呼君天下得其道則富有四海失其道求爲匹夫而不得况妻子乎哀哉

陳隱漫錄

卷二

三

天子四學中辟雍南成均北上庠東東序西瞽宗學書者就上庠學舞者就東序學樂者就成均天子承師問道養三老五更則就辟雍帝入東學上親貴仁入南學上齒貴信入西學亦太學也

書稱后稷播時百穀周禮農貢九穀晉志有八穀孟子云樹藝五穀百穀繁莫克知九穀黍稷稻粱菽

大小豆麥麻八穀卽詩之黍稷稻粱禾麻菽麥獨
五穀鄭註云黍稷菽麥麻趙岐云黍稷菽麥稻日
用所急莫如稻岐說爲是黃帝用黍制律積六十
四黍爲圭準之黍類苜蓿差小宜釀酒杜預謂菽
爲豆唐本草舊註云稷卽黍也

青溪汪先生初筮長沙出錫罷歸舟有錫熟水罷每
對之不樂妻楊氏曰吾償其直而得之者庸何傷
曰居官不欲爲罷咄奈何以是汚我楊命授之江
中始無愧色蔡京當國欲得知名士附已以宗子
博士召力辭不就或潛問其故曰吾異時不欲附

卷二

四

姦臣傳耳吁士大夫能勤小物故克此心也享萬
鍾必以義不爲京屈特小小者爾學犬吠村莊者
愧死無地

子臣姦驕爲臊羯奴發也奉賊稱臣爲陳希烈等發
也死生堪羞爲新君營救均圯及六等定罪發也
此元子書萬世綱常之法陳所翁賦子道臣節云
銀旗金甲渡巴西靈武城樓已萬幾一扎只聞元
帥命五牋合待使臣歸未聞請表更追表且看黃

衣換紫衣天性非由人僞滅何緣尚父結張妃六
等勝如誅獨柳二張繼沽亦何顏太師死後猶書
法水部刑章托頌間最憶海青投樂糈絕憐醜濟
隱青山中興碑下姦臣懼天道何嘗不好還溪深
毛寒壁立鬼怖可不懼哉

潘紫巖慨慕先隱集老子以下迄于宣靖可師者各
爲小傳曰幽人景範周二十七附見者四左鼎尹
喜莊周列禦寇榮啟期楚狂接輿及妻長沮桀溺
荷蓑荷鋤石門晨門顏回閔損曾參原憲公析哀
隨隱漫錄

卷二

五

漆雕開仲子及妻老萊子及妻公儀休披裘問丘
顏躅段干木黔婁及妻鬼谷子兩漢二卜七附見
者六魯二徵士龔勝彭城老父宋勝之莊遵李弘
鄭璞戴良向長禽慶王霸及妻逢萌莊光范丹高
鳳臺佟梁鴻孟光周燮黃憲洪直韓康陳留老父
魏栢徐穉姜肱及二弟申屠蟠郭泰張奉魏晉十
二附見者六管寧張珩胡昭王烈焦先皇甫謐及
子方回孫登董京郭文何琦孟陋汜毓徐苗崔湯
周邵湯子莊陶潛南朝至五代十九附見者七戴

達劉凝之沈麟朱百牢孔顓郢野老尋陽漁父宗
測及宗人尚之從弟或之祖炳明僧紹阮孝緒劉
訥及族兄歆仲長子光王通衛大經張盧盧鴻一
張志和鄭遨王居蟻張令問及弟亢言及子立宋
十八附見者六戚同文宗翼陳傳傳霖楊朴李廣
魏野及子開邢郭林通甄棲真劉海蟾張俞孔叢
高擇种放張堯評勃潘興嗣孫侔邵雍成都隱者
張舉劉臯凡百三十二人

漢書載淮南王安以叛自刑神仙傳以爲安丹成上
唐隱逸錄

卷十

六

昇鷄犬舐鼎亦得仙去唐書紀張果自云我生堯
丙子其貌寔年六七十未幾亦卒神仙傳謂果生
堯丙子二萬八千歲堯卽位三十四年丙子至
唐開元初才二千八百餘年魯魚亥豕之誤明矣
不然孟子載文王之地百里蒼齊宣王則曰文王
之國方七十里則民居者三十里耳

會稽郡夫人昭儀王秋兒順安俞修容新興胡美人
宋陽朱梅兒資陽朱春兒高安朱夏兒南平朱端
兒東陽周冬兒順政石潤兒高平周賽兒通化聞

潤兒潯陽陳宜兒胡安化沈咸寧黃新平皆上所
幸也初東宮以春夏秋冬四夫人直書閣爲最親
王能屬文爲尤親雖鶴骨龍貌但自上卽位後萬
幾之暇批荅書聞式克欽承皆出其手然則王非
以色事主度皇亦悅德者也

庚申八月太子請兩殿幸本宮清霽亭賞芙蓉木犀
韶部頭陳昭兒捧牙板歌尋尋覓一句上曰愁悶
之詞非所宜聽顧太子曰可令陳藏一譏一卽景
撰快活聲聲慢先臣再拜承命五進酒而成二進

唐隱逸錄

卷十

七

酒數十人已羣謳矣天顏大悅於本宮官屬支賜
外特賜百疋兩詞曰澄空初霽暑退銀塘水壺馬
程寥漠天闊清芬何事早飄飄擎花神更裁麗質
浪紅波一奩梳掠涼影裏素娥仙隊似曾相約
閑把兩花商略開時候羞起觀桃堵紫綠幙黃簾
好頓瞻瓶兒着年年粟金萬斛拒嚴霜綿絲圍慳
秋富貴又何妨與民同樂明年四月九日儲皇生
辰令述寶鼎兒俾本宮內人羣唱爲壽上稱得體
詞曰虞絃清暑佳氣葱鬱非烟非霧人正在東園

堂上分瑞祥輝騰翠渚奉玉卮總歡呼稱頌爭美

神光葆聚慶誕節彌生二佛接踵理池仙毋最好
英慧由天賦有仁慈寬厚襟宇每念修身忱意

傳問謙勤親保傳榮實翰鎮規隨心盡心授家傳
有素更吟詠形容雅頌隱隱廣歌風度恩重漢殿

傳觴宣付祝恭承天語對南薰初試宮院笙簫競
舉但長願際昇平世萬載皇基因親問寢日映鷄

鳴舞拜能樓深處又明年賜未嘉郡夫人全氏爲
太子妃錫宴畢子妃回宮令旨俾立成絳都春家

宴進酒詞曰晴春媚曉正禁苑乍煖鸞屏嬌小柳
拂玉蘭花映朱簾韶光早熙朝多暇舒長晷慶聖

主新頒飛詔貽謀恩重齊家有訓萬邦儀表偏稱
官闈歡笑釀和氣共結天香繚繞侍宴回車韶部

將迎金蓮照鷄鳴警戒丁寧了已管取咸常同道
東皇先報宜男已生瑞草若此者餘百篇史臣章

采稱陳藏一長短句以清真之不可學老坡之可
東宮應令含情托諷所謂曲終奏雅者耶沉香亭

清平之調尚托汗青以傳藏一此詞合太史氏書

法宜章聯得書

二十四班行門長入祇候殿前指揮左右班御龍直
金鎗班銀鎗班散直散指揮骨朵直散祇候散都

頭東一至五西一至二茶酒新舊四班招箭班殿
直弓箭直弩直散直禁衛內殿直散鈞容直隨龍

忠佐習馭直先是太祖自陳橋舉兵入覲長入
祇候班喬陸二卒長率衆拒于南門乃入自北解

衣折箭誓不殺咸義不臣自縊太祖親至直舍歎
曰忠義孩兒賜廟曰忠義易班曰孩兒至今孩兒

班於帽子後垂頭髻二條粉青者爲世宗持服紅
者賀太祖登極直舍正門護以黃羅榜穿小門出

入旌忠也先臣奉勅撰二侯加封續紀云生而忠
舍一身以立大節歿而神歷百世以顯威靈國家

賴若而人扶持風化賴若而人激勵當早賴若而
人捍禦朝廷寵之美號邦人倚之微福豈他祠例

論哉長入祇候班喬陸二侯忠義見於建隆之初
福祉施於景定之後雨暘雷忠禱輒應班首小臣

陳桂等以狀聞於是忠義威烈之褒忠烈德義之

寵蓋所以廣解衣折箭之誓俾之與國同休者也
宜刻堅珉以勸萬古皇帝以命臣藏一臣藏一再
拜稽首而獻文曰太祖肇造曆數後歸爾裔爾陸
忠節不移誓未有尔折簡解衣舍生取義廟食于
茲後三百載愈顯靈威捍衛爾忠福被髦倪爰錫
徽號勸忠匪私服我休命永佑昌時

偶敗篋中得上每日賜太子玉食批數紙司膳內人

所書也如酒醋白腰子三鮮筍炒鷄子焙潤鵝子
燂石首魚土步辣羹海鹽蛇鮮煎三色鮮煎附烏

南唐漫錄

卷二

十

鵝湖魚糊炒田鷄鷄人字焙腰子糊煨鮎魚鱖蚌

簋鹿脯及浮助酒蝦江蚬青蝦辣羹燕魚乾燂鱸

魚酒醋蹄片生豆腐百宜羹燥子煤白腰子酒

煎手二桂醋腦子清汁雄煨胡魚肚兒辣羹酒炊

淮白魚之類嗚呼受天下之奉必先天下之憂不

然素餐有愧不特是貴家之暴殄略舉一二如羊

頭簽止取兩翼土步魚止取兩腮以蚶蚌爲簽爲

餽飽爲根筯止取兩螯餘悉棄之地謂非貴人食

有取之則曰若輩真狗子也噫其可一日不知菜

吟

先君號藏一蓋取坡詩惟有王城最堪隱萬人如海
一身藏之句夢隱先生文英爲度夷則商犯無
射宮製玉京謠云蝶夢迷清曉萬里無家歲晚貂
裘敝載取寒書長安閑有桃李爛繡錦人海花場
任客燕飄零誰計春風裏香泥九陌文梁孤壘微
吟怕有詩聲翳鏡猶看但小樓獨倚金屋千嬌從
他鵝煖秋被蕙帳移煙雨孤山待對影落梅清泚
終不似江上翠微流水

南唐漫錄

卷二

十

襄樊之圍食子變骸權奸方怙權妬賢九溺酒色論

功周召粉飾太平楊僉判有一剪梅詞云襄樊四

載弄干戈不見源歌不見樵歌試問如今事若何

金也消磨殺也消磨柘枝不用舞婆娑醜也能多

惡也能多朱門日日買朱娥軍事如何民事如何

雲間酒淡有作竹香子云浙右華亭物價廉平一道

會買箇三升打開餅後滑辣光馨教君霎時飲霎

時醉霎時醒聽得淵明說與劉伶這一餅約迭三

斤君還不信把秤來秤有一斤水一斤餅嗚呼豈

知太羹玄酒之真味哉

隨隱漫錄卷之三

宋臨川陳隨隱

孟享駕出則軍器庫御酒庫御廚祇候庫儀駕司御藥院從物前導騏驥院馬引從舍人內外諸司庫務官繼之前驅親從左右各二十一人控攏親從三百十四沿路喝贊舍人二文武左右各八都下親從如其數閣門宣贊捧駕頭於馬上太祖卽位所坐香木爲之金飾四足隨其角前小偃織藤冒之至則迎駕者起居引駕王首左右各五人閣

卷三

門提點御史臺諸房副承直御椅子簿書官閣門祇候金鎗銀鎗招箭東一至五西一至二茶酒等班環衛御帶内等子道遙子御輦院官御僚子翰林司官閣門覺察宣贊二人殿侍五十二快行如上數而殺其二御馬數十院官隨之警蹕八人殿侍執從物者十人行門往來禁衛内編排三十人知閣步帥行於中御龍直執從物者八十人引駕長八人祇候左右班各二十人殿前指揮使如上數各殺其六親方闔于二百四十人内殿直御龍

直各二百崇政殿親從內外等子各如上數内等子十七人作内圍子王管殿司公事主管禁衛官押之燭籠兩行各六十人快行如初數行門二十四人擎輦六十人中仰天顏蓋二扇二扶輦殿前指揮使左右各二十四人内殿直如之扶輦御藥左右各二人插帶内外御帶倍上數帶御袍掖閣下官又倍之文武親從又各如前數簷一扇二左賢右戚乘馬從駕彈壓宮殿之行門以下舒脚幙頭大團花羅袍擎鞭編排小團花羅袍御龍直茶

盡在舜衣裳僧必萬云輕塵不動馬蹄催警蹕聲中聖駕來漢代威儀周禮樂太平天子拜香同若恭謝駕回圍於子内作樂添教坊東西班各三十六人丞相以下皆簪花姜夔云六軍文武浩如雲花簇頭冠樣樣新惟有三尊渾不帶盡分春色賜羣臣萬數簪花滿御街聖人先自景靈回不知後面花多少但見紅雲冉冉來諸坊云輦路安排看駕廻千官花壓帽簷垂君王不輟憂勤念玉貌還如未插時鄧克中云輦路春風錦繡張裁紅剪綠

陶芬芳黃羅傘底瞻天表萬疊明霞捧太陽阮秀實云官花密映帽簷新誤蝶疑蜂逐去塵自是近臣偏得賜繡鞍扶上不勝春先臣云幸勝恭謝觀繁華馬上歸來戴御花老婦稚兒相顧問也頌春色到詩家

酒等班紅地方勝練鵲纈羅衫各塗金束帶控攏御馬左右直執七寶素紅瑪瑙鞭各二擎硃紅水地戲珠龍杓子各一皂紗帽青地荷蓮纈羅衫塗金束帶文武親從貼錦帽紫寶相花大神衫銅革帶内外圍子皂紗帽紅地黃白獅子纈羅衫緋線羅背子塗金戲獅束帶前引從並姜牙帽三色纈衫銅帶親事官曲脚幙頭簇四金鵬袍塗金帶百官諸司並朝服阮秀實仰瞻聖駕詩云紫烟斂翠碧天長柳蔭旌旗午尚霜一朵彩雲擎瑞日光華

貞德秀草招安湖南草寇詔云自有天子至于今日未聞盜賊得以全軀弄潢池之兵諒非尔志烈昆岡之火亦豈余心上稱其得體姚勉述勅祭闕祀文曰五雲縹緲誰扣玉扇上怒曰朕雖不善未如

明皇之甚也姑蘇守臣進謝應制程奎草批荅云
新酒菊天惟其時矣上曰茅店酒無語豈王言耶
令陳藏一擬聞先臣援筆立成略曰內則黃中通
理外則戈甲森然此卿出將入相文在中而橫行
匈奴之象也上乃悅又承旨令述太乙宮明禋祈
禱設醴青詞云我將我享爰有事于明堂載禱載
祈肅致悅于楚帝上自改爲上帝楚邦昌逆號也
凡代王言不可不謹

唐史記
卷三
唐
孫卿明帝諱莊改莊光爲嚴光司馬氏諱昭改昭

君爲明妃等簡文母鄭太后諱阿春改春秋爲陽
秋仍之非也

微曰刑不上大夫以其近君也故不廉曰簠簋不節
汙穢曰帷薄不修罷歇曰下官不職尚遷就爲之
辭有大罪者聞命則止而自裁曰子大夫有過吾
不忍加刑焉故淫者更絕縲盜者更賜酒而甚於
耻戮唐家待士不用廉耻美較官三品且有功猶
狀學之况簿尉乎故神龜屢提蓋不養士氣於渾

淪之中服其形而不服其心孟子曰君之視臣如
犬馬則臣視君如寇讐此之謂也

先君會天下詩盟于通都隨隱纔十二諸先生以
儒子學詩可教而教以詩吳一齋石翁云大隱君
家小隱君得名太半忘入聞秋窓吟共緘山月曉
榻眠分華嶽雲鶯欲引雛先出谷馬纔生驥便離
羣新詩却要多拈出突過郎罷張我軍杜北山汝
能云父子名相繼如君又出奇乾坤鍾秀氣湖海
誦新詩放鶴春風遠橫琴夜月遲末應隨大隱閑

隨隱漫錄

卷三

五

過聖明時劉雷庄彥朝云坎止流行只任天吟廬
新傍紫微邊夜窓低過宮花月曉巷深橫御柳烟
五字肯同餘子說一燈親自乃翁傳雖然不作功
名念却惡功名過少年景定癸亥特旨以布衣除
東宮掌書吟社賀詩數十僅記五首錢春塘舜選
云吟筆何須管用銀月供譚述聖恩新只今已脫
凡塵去便作金丹換骨人夜泛孤舟載月船靜披
吟料六橋邊詩成上達宸聰了流落人間到處傳
呂雪屋三餘云青宮樓觀近堯階班列屏風間坐

開人羨杜開生杜甫天教蘇題繼蘇還馬歸禁苑
行邊柳鶴伴平山隱處梅我恨長鏡廟黃獨兀年
無計策衰顏柳月欄桂孫云鏤玉裁水字字奇少
年親結九重知君臣際遇榮千載父子推敲冠一
時疊進楚蘭春奏雅餅分蒟蒻皮聯詩五雲樓近
開黃道金紫連班進赤墀菊牕俞氏云萬人海裏
闢幽屏欲學深居只布衣不道內前車馬鬧又催
父子入官闈內寅來歸江西名勝又贈詩詞黃梅
塘力敘云詩在天地間風清月明處若爲深閑門
而可覓佳句夫君小元龍豪氣隘區宇青春發詩
材秀苗長膏雨流水與行雲吾不見滯住乘月滌
吟毫玉枕三危露超詣自透脫悟在觀劍舞入宮
畫蛾眉明爲衆女妬君詩亦何憾千載一時過向
也詩道昌吟聲喧禁籞應制沉香亭龍巾曾拭吐
舌焉詩道厄短策江路悲嘯梁甫吟佗傑離騷
賦浮雲時卷舒脫此知出處此其隨之義大隱會
境趣天地梅又春風緊雪飛絮一空灞橋驢吟
且臨汝得句從人傳傳今亦傳古要知是家傳寶

言以傳甫傳之而又傳衣鉢傳宗武張溪居彙云
醞藉中涵廊廟姿詩文都好見宸批只蒙四字君
王寵機風微臣不用題周墊舟濟川八聲甘州云
有乾坤清氣入詩脾隨龍散神仙蘸西湖和墨長
空爲紙幾度詩圓消得宮妃捧硯夜燭照金蓮試
問隔屏坐誰後誰先長是花香柳色更風清月白
吟入牋天自霞觴謾覆謫下玉皇邊笑隨歸山中
隨隱且醉拚斗酒寫新篇天應近呼來時後記上
襟船壬申秋留西湖半載吳松壑大有餞行云我
昔見君方成童長吉才華驚鉅公人間科第不屑
就直使聲名聞九重乃翁引上凝華殿子虛不待
他人薦入直來來凡幾年天上奇書盡曾見翩然
歸去大江西二疎父子還相隨故鄉分得雲水地
却喜不爽漁樵期春雨騎牛對烟草何如振衣隨
龍五雲表秋霜黃獨煨地爐何如馳峰犀筋食天
厨林間食葉抄詩句何如官妃捧硯揮毫處溪邊
照影着荷衣何如龍門應制奪錦時鈞天夢斷難
回顧浩然合在山中住金石臺前伴白雲六年不